



საქართველოს ნაციონალური
მოტოსპორტის ფედერაცია

ქროს ჯორჯია 2026

დამატებითი წესები

1. ღონისძიების აღწერა

1.1 ღონისძიების დასახელება

ქროს ჯორჯია 2026 წარმოადგენს სამდღიან ჰარდ ენდურო შეჯიბრს, რომელიც ტარდება ინდივიდუალურ ფორმატში და მოიცავს ტექნიკურ, სანავიგაციო და გამძლეობაზე დაფუძნებულ მრავალფეროვან საშეჯიბრო მონაკვეთებს.

1.2 შეჯიბრის თარიღი

შეჯიბრი ჩატარდება:

06–08 აგვისტო, 2026

1.3 შეჯიბრის ლოკაცია

შეჯიბრის სასტარტო, ფინიშისა და ადმინისტრაციული კონტროლის ლოკაციები მოგვიანებით გახდება ცნობილი და გამოქვეყნდება ორგანიზატორის ოფიციალური საინფორმაციო არხების მეშვეობით.

2. შეჯიბრის ფორმატი

2.1 საშეჯიბრო დღეები

შეჯიბრი შედგება სამი (3) დამოუკიდებელი საშეჯიბრო დღისგან.

თითოეული დღე მოიცავს ინდივიდუალურ GPS ტრეკს, ტექნიკურ მონაკვეთებსა და შესაბამის ფინიშის სისტემას.

2.2 დროითი ლიმიტი

თითოეული საშეჯიბრო დღის მაქსიმალური ხანგრძლივობა განისაზღვრება:

8 საათით

საქართველოს ნაციონალური მოტოსპორტის ფედერაცია ს/ნ 406108796

ქ. თბილისი გ.შატბერაშვილის 4 ბ. 80, მობ: +995 579 29 29 49, ელ-ფოსტა: g.chikovani@motofederation.ge



საქართველოს ნაციონალური
მოტოსპორტის ფედერაცია

ორგანიზატორს უფლება აქვს შეცვალოს დროითი ლიმიტი უსაფრთხოების, ამინდის ან ფორსმაჟორული გარემოებების გათვალისწინებით.

2.3 ფინიშების სისტემა

თითოეული საშეჯიბრო დღე დაყოფილია შემდეგ ფინიშებად:

- ბრინჯაოს ფინიში (Bronze Finish)
- ვერცხლის ფინიში (Silver Finish)
- ოქროს ფინიში (Gold Finish)

ფინიშის კატეგორიას ენიჭება უპირატესობა ქულებთან მიმართებაში.

3. რეგისტრაცია და ლიცენზირება

3.1 ღონისძიებაზე რეგისტრაცია

ღონისძიებაზე რეგისტრაცია განხორციელდება:

www.motofederation.ge

3.2 რეგისტრაციის საფასური

ღონისძიებაზე რეგისტრაციისა და ერთჯერადი სალიცენზიო გადასახადის ღირებულება განისაზღვრება შემდეგნაირად:

550 ლარი – 10 ივლისის ჩათვლით

(ღონისძიებაზე რეგისტრაცია + ერთჯერადი ლიცენზია)

750 ლარი – 31 ივლისის ჩათვლით

(ღონისძიებაზე რეგისტრაცია + ერთჯერადი ლიცენზია)

1050 ლარი – 01-04 აგვისტო

(ღონისძიებაზე რეგისტრაცია + ერთჯერადი ლიცენზია)



საქართველოს ნაციონალური
მოტოსპორტის ფედერაცია

3.3 რეგისტრაციის დასრულება

რეგისტრაცია დასრულდება:

4 აგვისტო, 2026 – 18:00 საათზე

რეგისტრაცია ჩაითვლება დასრულებულად მხოლოდ:

- სარეგისტრაციო ფორმის სრულყოფილად შევსების;
- სალიცენზიო რეგისტრაციის დასრულების;
- შესაბამისი თანხის გადახდის შემდეგ.

3.4 სარეგისტრაციო და სალიცენზიო თანხის უკან დაბრუნება:

დაბრუნების წესი:

- მონაწილის მიერ გადახდილი სარეგისტრაციო საფასური დაბრუნებას ექვემდებარება მხოლოდ იმ შემთხვევაში, თუ ორგანიზატორის გადაწყვეტილებით შეჯიბრი გაუქმდება.
- ამ შემთხვევაში, მონაწილეებისთვის დასაბრუნებელი თანხა განისაზღვრება შემდეგი პრინციპით: საერთო შემოსული სარეგისტრაციო თანხიდან გამოიქვითება შეჯიბრის ორგანიზებისთვის უკვე გაწეული და დადასტურებული ხარჯები, ხოლო დარჩენილი თანხა თანაბრად განაწილდება რეგისტრირებულ მონაწილეებს შორის.
- ყველა სხვა შემთხვევაში, მათ შორის მონაწილის მიერ რეგისტრაციის გაუქმების, შეჯიბრში მონაწილეობისგან უარის თქმის ან შეჯიბრზე გამოუცხადებლობის შემთხვევაში, სარეგისტრაციო საფასური დაბრუნებას არ ექვემდებარება.

4. ადმინისტრაციული და ტექნიკური კონტროლი

4.1 ადმინისტრაციული კონტროლი

საქართველოს ნაციონალური მოტოსპორტის ფედერაცია ს/ნ 406108796

ქ. თბილისი გ.შატბერაშვილის 4 ბ. 80, მობ: +995 579 29 29 49, ელ-ფოსტა: g.chikovani@motofederation.ge



საქართველოს ნაციონალური
მოტოსპორტის ფედერაცია

ადმინისტრაციული კონტროლის დრო და ლოკაცია მოგვიანებით გახდება ცნობილი.

ადმინისტრაციულ კონტროლზე მონაწილე ვალდებულია წარადგინოს:

- პირადობის დამადასტურებელი დოკუმენტი;
- მართვის მოწმობა;
- ღონისძიებაზე რეგისტრაციის დამადასტურებელი ინფორმაცია;
- არასრულწლოვანის შემთხვევაში – მშობლის/მეურვის თანხმობა.

4.2 ტექნიკური კონტროლი

ტექნიკურ კონტროლზე მოხდება:

- მოტოციკლის ვიზუალური ინსპექტირება;
- უსაფრთხოების მოთხოვნების გადამოწმება;
- GPS მოწყობილობის შესაბამისობის გადამოწმება;
- სავალდებულო ეკიპირების კონტროლი.

ორგანიზატორს უფლება აქვს არ დაუშვას ტექნიკურად გაუმართავი მოტოციკლი შეჯიბრზე.

5. ბრიფინგი

5.1 სავალდებულო ბრიფინგი

ყველა მონაწილისთვის ბრიფინგზე დასწრება სავალდებულოა.

ბრიფინგის ზუსტი დრო და ლოკაცია მოგვიანებით გახდება ცნობილი.

ბრიფინგზე განიხილება:

- დღის მარშრუტი;

საქართველოს ნაციონალური მოტოსპორტის ფედერაცია ს/ნ 406108796

ქ. თბილისი გ.შატბერაშვილის 4 ბ. 80, მობ: +995 579 29 29 49, ელ-ფოსტა: g.chikovani@motofederation.ge



საქართველოს ნაციონალური
მოტოსპორტის ფედერაცია

- უსაფრთხოების საკითხები;
- Support Zone-ები;
- საწვავის ზონები;
- დროითი შეზღუდვები;
- განსაკუთრებული ტექნიკური მონაკვეთები.

ბრიფინგზე არდასწრება შეიძლება გახდეს შეჯიბრზე არდაშვების საფუძველი.

6. სასტარტო პროცედურა

6.1 პირველი საშეჯიბრო დღე

პირველი დღის სასტარტო განლაგება განისაზღვრება რეგისტრაციის რიგითობის მიხედვით.

6.2 მეორე და მესამე დღე

მეორე და მესამე დღის სასტარტო განლაგება განისაზღვრება წინა დღის შედეგების მიხედვით.

6.3 სასტარტო ინტერვალი

მონაწილეები სტარტს აიღებენ ინდივიდუალურად:

30 წამიანი ინტერვალით

6.4 დაგვიანება

მონაწილე, რომელიც არ გამოცხადდება მისთვის განსაზღვრულ სასტარტო დროს, სტარტს აიღებს გამოცხადებისთანავე, თუმცა დროის ათვლა დაიწყება მისთვის განსაზღვრული ოფიციალური სასტარტო დროიდან.



საქართველოს ნაციონალური
მოტოსპორტის ფედერაცია

7. GPS, Support Zone და საწვავის პუნქტები

7.1 GPS ტრეკი

ყოველი საშეჯიბრო დღის დაწყებამდე მონაწილეებს გადაეცემათ შესაბამისი დღის GPS ტრეკი.

7.2 Support Zone / Refuel Zone

Support Zone-ებისა და საწვავის პუნქტების ადგილმდებარეობა წინასწარ განისაზღვრება და მონაწილეებს მიეწოდებათ:

- GPS მოწყობილობაში
- საინფორმაციო არხების მეშვეობით

7.3 აკრძალული დახმარება

საშეჯიბრო მონაკვეთზე გარეშე პირის დახმარება აკრძალულია, გარდა ორგანიზატორის მიერ განსაზღვრული ზონებისა.

8. სავალდებულო და რეკომენდირებული ეკიპირება

8.1 სავალდებულო ეკიპირება

შეჯიბრში მონაწილეობის მისაღებად სპორტსმენი ვალდებულია აღჭურვილი იყოს:

სავალდებულო:

- GPS მოწყობილობა;
- GPS სამაგრი მოტოციკლზე;
- მობილური ტელეფონი;
- **GPS/მობილურის სარეზერვო ელემენტი ან Power Bank;**



საქართველოს ნაციონალური
მოტოსპორტის ფედერაცია

- მოტოციკლის ინსტრუმენტების ჩანთა;
- მოტობოტი;
- ჩაფხუტი;
- ხელთათმანი;
- წყლის რეზერვუარი (Camelbak);
- სათვალე;
- სანთებელა ან ასანთი.

8.2 რეკომენდირებული ეკიპირება

მონაწილეთათვის რეკომენდირებულია დამატებით იქონიონ:

- გულმკერდის დამცავი;
- სამუხლე;
- საიდაყვე;
- საწვიმარი;
- თოკი;
- სარეზერვო კამერა ან საბურავის შეკეთების კომპლექტი;
- სარეზერვო საწვავი.

9. ოფიციალური განცხადებები

შეჯიბრთან დაკავშირებული ნებისმიერი ცვლილება, დამატებითი ინფორმაცია, ლოკაცია, განრიგი ან უსაფრთხოების ინსტრუქცია გამოქვეყნდება ორგანიზატორის



საქართველოს ნაციონალური
მოტოსპორტის ფედერაცია

ოფიციალური საინფორმაციო არხების მეშვეობით და ჩაითვლება ოფიციალურად ძალაში შესულად გამოქვეყნებისთანავე.

10. საბოლოო დებულება

ქროს ჯორჯია 2026-ზე რეგისტრაციით მონაწილე ადასტურებს, რომ:

- გაეცნო ქროს ჯორჯია -ის ზოგად რეგლამენტსა და დამატებითი წესებს;
- აცნობიერებს შეჯიბრთან დაკავშირებულ რისკებს;
- იღებს სრულ პირად პასუხისმგებლობას;
- ემორჩილება ორგანიზატორისა და მსაჯთა კომისიის გადაწყვეტილებებს.